

安徽廣德縣志輯

中國地方志集成

光緒廣德縣志

安徽廣德縣志稿

中國地方志集成

安徽府縣志輯 ④②

光緒廣德州志

民國廣德縣志稿



江蘇古籍出版社 ● 上海書店 ● 巴蜀書社

責任編輯 王 劍
封面設計 范一辛
美術編輯 姜 嵩

中國地方志集成

安徽府縣志輯④₂

出版發行 江蘇古籍出版社

社 址：南京市中央路一六五號

發行部電話：〇二五—二二二三四六二

郵 編：二一〇〇〇九

印 刷 上海市印刷七廠

定 價 三四九元

1998年4月第1版第1次印刷

ISBN 7—80643—003—2/K·3

光緒廣德州志



(清)胡有誠修
(清)丁寶書等纂

本書六十卷首一卷末一卷，據清光
緒七年（一八八一）刻本影印。

重修廣德州志序

同治己巳夏誠由部曹改官之皖幸未
冬委辦通志局郵案請郵者惟甯廣
最多時郡邑俱呈志廣建獨無祇鈔
本據拾大概詢其故緣兵燹焚毀無存
未由稽攷概從其畧蓋歎歎者久之丁
丑春蒞任斯土見土志雜文獄訟繁興

廣德州志

卷首

序

喟然曰向聞此邦民性馴良風俗樸茂
何所見不逮所聞耶迺亟力勸導無
分畛域各安其業土客之見漸融顧
禁輦既馴振興宜亟志苟不修胡
由知古昔之善俗信今而傳後乎
因急覓舊志適於江蘇泰州署
州篆高君垂慶家得一部係乾隆

壬子胡君文銓重修余展誦再三攷
據詳明斯制謹嚴典武功平涼相
頡頏竊謂極盛難繼踵斯後者其
步武為匪易也猶幸碩果尚存踵
斯後者其續承尤宜急也奈瘡痍
甫定地方疾苦經費又無所出爰
籌墾墾荒田聽民承買令墾戶

廣德州志

卷首

序

二

赴局領憑為墾荒復額計越年餘
按數千緡竊自喜曰今可作修志
資矣戊寅冬州紳張翰泉太守謁
余曰州志自乾隆壬子州守胡君修
後道光丁未州守裕君續補筆墨
雖不及胡君而嘉慶道光間事幸
賴以傳迄今八十餘年續修此其時

也況今安民糜集土著凋零數十年間諸父老猶有能傳其軼事者倘遲之又久文獻無徵豈不可問余曰善余自下車以來久有此意先生其先得我心乎第斯舉也胡君擅美於前秉筆甚難其人翰泉謂寓吳與時郡志係雲溪丁君寶書

廣德州志

卷首

序

三

總纂其人品學兼優頗勝任於是與諸紳士議動堅費五千編刻期一年告竣諸淫節省冀成斯舉乃申請

上憲幸必所請己卯五月開局庚辰五月藏事即付梓舊志五十卷今增為六十卷門類悉仍其舊其藝文

志詩文附載稍繁畧為刪減至忠孝節義代不乏人名宦鄉賢亦經遺佚者擬補請入祠且此次兵燹惟廣建為更甚或罵賊捐軀或盡節殉難指不勝屈即名墳古塚無人奉祀者亦復不鮮因派各鄉紳士採訪自通衢六邑以至窮鄉僻壤悉

廣德州志

卷首

片

四

心搜求不厭精詳庶幾不令湮沒斯無遺憾耳第一州之廣恐猶有潛德幽光未經訪問者俟後君子更舉而表彰之以匡不逮是則余之厚望也夫昔

光緒六年歲次庚辰秋八月丁酉朔

賜進士出身

誥授朝議大夫

欽加知府銜知江南安徽廣德直隸州事

庚午科江南鄉試同考官丙子科

江南鄉試內監試前刑部山東清

吏司主事加六級紀錄五次楚鄂

胡有誠序并書



廣德州志

卷首

序

五

廣德州志舊序 乾隆壬子

志所從來遠矣周禮小史掌四方之志鄭康成謂若晉之乘楚之檇杙魯之春秋明皆記事之書也例推之則越絕書吳越春秋亦不盡率爾之作其後檇杙亡而衡山桐汭春秋傳之趙氏亦書吳壽夢十六年楚舉兵伐吳至衡山而還吳楚有志蓋昉於此然其時未嘗以志名也其直以志名者左傳有周志而漢書十志非其體也藝文志形法家雖紀地之書所述止城郭宮宅不號為志惟常璩華陽國志及江敞陳雷熊默豫章崔蔚祖海岱沈氏南越富為廣德州志

卷首 舊序 一

今州縣志之權輿而隋經籍志分列諸雜史霸史雜傳則以志與史傳本無甚異故也其地理又多以記名稱志者有常覽蜀志蕭世誠荆南地志闕駟十三州志顧野王輿地志隋區宇圖志他如名山水土全德先賢文章方物異物靈鬼等志各舉一隅故或地或不地唐世地志魏王括地元和郡縣十道四蕃為最著覽之可坐知天下而專志郡邑者亦未有聞宋明以來遂指不勝屈就今安省所分轄言之宋則劉浩然之合肥宋宜之之無為胡兆之秋浦羅願之新安范致明之池陽林晞之姑孰王松之蕪湖得

者無不實祕明地理類四百七十一部府與州志居十之七中如汪應軫之泗王浩之毫呂景蒙之潁胡松之潁皆今安徽省所轄州也乃廣德在宋有桐汭志又有趙子直桐川新志二十卷見於輿地碑目文獻通考陳氏書錄而不得與劉宋諸人並列至明始載李得陽廣德州志十卷自是言州志者知有明不知有宋亦似有幸不幸焉夫由前以觀廣德舊區不見棄於左氏由後以觀桐汭新編早見遺於宋史然則上下數千年中地遷名易獻闕文殘或且有指晉廬爲楚舍者況山川文物之紛糅乎此舊志所由

廣德州志

卷首

舊序

二

無善本也今所存萬歷一志卽李中丞之十卷稍爲增潤者後此一再踵修不復考訂乾隆戊申秋余甫下車展閱州志往事率多疎誤而自李守重修後已越五十餘年之久亟思有以更張而恢廓之因事甚艱鉅毋甯有待先以治民事神之要者次第舉行閱三年稍間方欲進郡紳士謀之而難其秉筆者會周耕厓先生自皖江來署先生浙西名宿著書二十餘種於考古尤精經傳宿疑豁如也嘗論本州橫山卽春秋襄三年之衡山久爲吳興所攘宜爲汶陽之歸桐水所出主集解所合主水經而謂李吉甫就

溪闢者言之皆確鑿不可易余聞之奮然曰得人矣遂以修志請先生許諾於是申請

大憲遴選郡彥卽於是秋開局於復初書院舊志之善者無不甄錄而正訛補闕汰其繁蕪文其舛陋創作者又十之四根據正史徵引傳記爲門有十爲目七十有五以地域爲全書眉目言之尤詳且覈蓋合道將以下諸志所有纂萃而成是編得五十卷而余以簿書之暇相與往復商確凡閱十有六月始竣州人踴躍共襄登梓是志也出雖未知與桐汭桐川爲何如視萬歷志固有過之無不及卽

廣德州志

卷首

舊序

三

癖左者亦將資以考証也已乾隆五十有七年歲次壬子冬十有一月丙申朔賜進士出身

諾授奉政大夫知江南安徽直隸廣德州事前署甯國府知府事戶部雲南清吏司主事加五級紀錄入次大興胡文銓序

廣德州志題辭

余以薄愚薄遊桐汭郡伯胡衡齋先生若有夙契居月餘屬修州志且曰舍其舊而新是圖因取萬歷以來諸志

閱之信有當掃而更者與同事考訂蒐輯不辭勞瘁者歲餘但期傳信以答

賢守盛心而已當否未敢知也局設復初書院復初本明鄒文莊公講學處在院東數武尊經閣尙其遺蹟院久廢故重建者仍其名於此方文莊之修志也自序謂與諸生從事復初之教茶陵龍子以舊志弗稱亟以見委然則筆削之任卽在講舍明矣惜其書未竟不獲與武功平涼並稱而後之修輯者卒亦無由步趨也余與文莊笑啻驚駘之逐騏驎雖狂奔盡氣不能及况無三美卽不能無四患

廣德州志

卷首

舊序

四

敢弗吮毫而滋懼乎乃其地則俱在復初書院且前李守修志在萬厯壬子今歲亦在壬子告成之月又在壬子朔日丙申越七日癸卯爲長至節於易道皆爲復是雖若適然之數當非盡適然之數也特識之至纂輯大凡例言已詳海甯周廣業書

廣德州志後序

乾隆甲寅

乾隆庚戌十月其福任廣德學官入廟拜

先師後例拜各祠畢卽求州志讀之竊謂是邦之名宦鄉賢忠臣孝子可以展卷而瞭如也詎志中所載各祠有詳

其址而不載所祀之人有記其人而略其所建之址一斑既見全豹可知由是春秋所崇祀如忠義祠牌之大書雙忠二蔡求之志中不載詢之郡人不知福之先高祖諱鍾彥公明季官工部甲申殉難

今天子四十一年蒙

恩賜諡忠節事載

欽定勝朝殉節諸臣錄中福忠臣之裔也於死難之貴而無可稽考於心有耿耿焉其他志載其祠而略其址如前明賢守段張諸公之祠欲一展謁而莫知其處竊不能不

廣德州志

卷首

舊序

五

怪州志之漏略如是也辛亥秋郡伯大興胡公開局修志延請海甯周耕厓先生爲總纂命福偕訓導涇川吳君景濂與其事吳君分纂列女志福分纂選舉志福私幸是書得遇修舉廢墜之賢刺史更得博學端方之總纂可以微顯闡幽訂訛正繆爲一大快而又竊苦選舉一門人才所彙人物營建藝文各門相爲表裏舊志一部中觸處牴牾動相矛盾又萬厯志以後楊門李三志忽增忽刪忽改忽例一無據依莫知適從且總纂之令一人一事一地一官一科一年務稽正史次及羣書訛者正遺者補齟齬者存

疑今稍忽略後無表著之日以福之才學謬陋肩斯重任恐遺憾幽潛爲一大懼不但已也耕厓先生謂福曰地域志一書之綱領也吾自任之若營建志中之學校壇廟司鐸者身之所居春秋之所有事非君而誰屬福敬諾之而前之耿耿於心者至此而更惴惴焉矣其安能使閱者展卷而瞭如耶其安能按冊而求可以舉步而得無不脗合耶會福甥孫楊樞偕福從孫湘于壬子春來桐樞婁之名士也福挽其搜討而以湘言於郡伯命司繪事使周視境內山水橋廟圖其名勝舊志訛者正缺者補併使同諸生

廣德州志

卷首

舊序

六

之任採訪者絜搦工徧摹城鄉石刻以備採錄福與樞寢食復初書院中參互考訂牴牾其其憤糾正同其快兩人所見必質之耕厓先生而始定於是不特二蔡昭然卽宋之吳琦明之林英輩十數君子勁節英名盡皆燦如星日俎豆千秋矣段張諸公之祠匿者圯者彰之新之而詳載之可以按冊而求舉步而得矣且選舉志中宗室藩戚諸人路分刷卷講書典膳諸官南唐庚午南宋乙亥諸年特奏名左右榜諸科訂正標出者指不勝屈凡以求閱者之不至耿耿於心耳顧自春徂冬在復初書院晦明風雨未

嘗一日含業而結思亦可謂盡心焉矣是書之成輒一人如是分纂如訓導吳君亦如是也他如山長震澤倪雪汀樹枚纂人物紹興胡碧山江纂營建郡人名宿章毓良纂田賦戈濬纂典禮及雜志之軼同輩綴機陽神纂職官王文琴纂藝文及雜志之祥異兵寇誰不參稽辨難幾易稿而成者耶更有諸生吳汝梅方汝甯沈履仁登瀛懷五瘳超周夢霞賡潛堯茶躍龍鳳梧陳錫範王雲濬陽詢劉喆及顧廷綬纂從孫配懷凡搜考同調校讐繕寫之事時或合參時或分任無不欲求此書之一無遺憾而耕厓先

廣德州志

卷首

舊序

七

生既纂地域一門復以營建志之兵防津梁職官志之宦績人物志之忠烈關係甚鉅又皆出自己手且諸賢問難卽與商榷脫稿就正筆削維嚴福見其每於午夜猶點竄塗改世之修志而爲總纂者幾見有是人耶凡若此者上以仰答郡伯與各大憲之盛心下以便此邦得有信史不虛此一修也云爾然而猶有難焉者是書開梓於壬子之冬郡人城鄉採訪勸募者有吳澄丞佩沈遇霖陳啟宗韋忠沈淦張用清徐菊芳戈萬程濮陽謝濮陽梧劉均表林陳祖楷戈錫祉鄭斌劉林趙輝清李朝陽甯玉成雲原趙

甯國諸人鼓舞士民踴躍從事何一不冀是書速成俾如
景星慶雲爭先快觀也乃卷帙繁多至甲寅春而猶未畢
刻會胡公以保薦入 都我吳芝厓瞿公來攝郡篆既下
車仔仔以造士愛民爲心新令尹與舊令尹之政若合符
節興義學新養濟院育嬰堂諸大事次第舉行而深以志
書未竣爲慮有諸生胡召與其父來謁福諷以解囊胡生
父子慨然助錢百八十千而五十卷書於夏五月中畢工
矣數十人秉筆之苦心藉非胡生之勇於爲義雖有微顯
闡幽訂訛正繆之信史其能爭先快觀乎書成而梓圖苦

廣德州志

卷首

舊序

八

更無胡生其人者故遲至十月始得蕙事梓人謂志書例
有後序福才學謏陋何敢續貂且言之有類於矜且伐者
又安用斯言爲雖然書非遇造士愛民修舉廢墜之郡
伯與博學端方微顯闡幽不憚勞瘁之總纂諸人焉得而
樂爲之盡心士民焉得而樂爲之欣助修之難刻之難非
身其事者言之將誰言之而誰知之而後之繼此而修者
又安保其肯若茲之鄭重以爲之是則福不敢避矜且伐
之罪而附贅此言於卷末以敬告後之繼此而修者皆乾
隆五十九年歲次甲寅十有一月長至日廣德州學正前

署蘇州府教授丁酉科舉人華亭王其福謹識

增補廣德州志序

道光丁未

廣德古桐汭地也漢唐而後名宦莫著於范文正公地方
風淳俗美英賢迭出志乘具在固已班班可考無庸贅述
惟自乾隆五十七年前刺史修輯之後迄今又幾六十年
歲月浸久曾未有踵而修之者不有以述之後之人將何
以徵文考獻乎丙午歲余奉檄權篆是邦甫下車吏卽舉
書以進公餘之暇得竟讀之惟近事無傳未免多所闕略
心竊憾焉適聞前署州蘭圃張先生文鳳嘗採有成書會

廣德州志

卷首

舊序

九

別遷他任未克蕙事亟命吏檢得之其中自上屆修輯至
道光五年凡名教節烈風化攸關而志中所未及載者條
條秩秩無不臚列此可以見先生之遐搜博採非一日功
其拾遺補闕實有以先獲我心也爰爲逐一校訂補其遺
存其實裒成十六卷捐廉付梓剞劂既竣爲述其緣起云
道光二十七年歲次丁未季秋月署廣德直隸州事安慶
府同知加十級紀錄十次長白裕文序

例言

直隸州視府屬州視縣明制也

皇朝因之蓋以直隸州有統轄之縣故得視府然則志府者先附郭次旁縣志直隸州者先本州次屬縣乃不易之體例也萬厯志惟建置食貨二門得之山川選舉已爲分別至秩官不及建平與屬州何別楊門等志自疆域以下州自爲州縣自爲縣并沿革亦必復敘則是州縣合志矣門志於每門之下注云附建平縣尤非此由修輯者各自磨抄不暇相顧故有名目

廣德州志

卷首

舊例言

一

互異條式迥殊亦未改歸一律者今一以州統縣其間如地域營建限於方隅宜比次而及名蹟即可綜敘但注建平二字別之選舉繫以年職官斷以代人物列女區以類各門所載縣事亦非意爲詳略至沿革則先說後表山川類附岡嶺尤詳塘壩者水利所關此類言不一端義各有當皆有總序小序明之志以傳信非可憑臆而談州之文獻雖稍散軼而衡山桐泖見於經桐水白石見於傳注令長自漢費鳳吳呂蒙以下人物自倪濤王儔以下俱炳見史傳非

無徵也舊志踵相沿襲舛錯居多今遍稽載籍明注書名或所問異辭則兼收以備參考但志家因易而創難萬厯以前既無可考則李守諸志猶趙子直鄉文莊之殘膏剩馥也其敢數典而忘他若南畿一統與夫江南通志尤後事之師也均當臚列

舊志不惟採擇兼錄目略於卷首者明有本也然本之而已非徒襲之爲己有也桐泖桐川二志已佚鄉文莊尙存一序其修志不越稽載藉訪故老二法而就緒必待踰年繼此告成甚速其書絕類已出實則

廣德州志

卷首

舊例言

二

眾喙雷同若再訛以傳訛此邦終無信史矣故必蒼萃羣言細加參核矛盾者改使合符歧誤者折衷一是繁蕪悉汰謬誤必糾過可節取卽單詞隻句亦所不遺仍標注書名使讀者其相覆按權其得失以匡所不逮知非好爲立異也

地理有志始於孟堅郡縣名下問序山川至劉宣卿補注范書援引尤富古蹟城池宮室市聚無不綜舉宋志備詳治所唐則兼及戶口貢賦物產蓋有土斯有財用今次地域以營建田賦遵此例也首以圖者

周禮司書掌土地之圖經野正訟於是乎取之所繫尤重也富加以教檢示以禮故次典禮繫以風俗者行禮不求變俗也然此豈民之自爲政哉道在董勸得人故次職官范文正振興於前錢洪諸公導揚於後科貢士女由此盛焉州之事略備矣更有文以紀之祥異以察時變兵寇以資備豫亦州所有事也以雜志統之

郡邑建置地志之綱領也居是土志是邦而不知所自出及歷代興廢分合之故與夫名字更易之由識

廣德州志

卷首

舊例言

三

者病之矣廣德本秦鄣郡漢故鄣縣建安初廣德縣始見吳志迄今千數百年如劉宋之分置綏安隋之避改大德又改綏安唐之桐陳懷德明初之廣陽皆暫改旋復故其名爲最古萬歷志所載本略尤謬者以漢成帝鴻嘉二年之廣德國強爲牽合又誤認吳嘉禾中張純爲光武朝張純遂謂光武中平二年分置廣德縣又云晉太康二年置廣德縣後人附和莫或知其失者茲悉據正史旁參傳記說貴詳明表宜簡要然後廣德之名定名定而仰應星躔俯居地勝

疆界遠近大家多寡可得而言矣

王子衡詩云千峯萬峯廣德路州固山窟也然如桐水之南出白石東合南江杜元凱鄴道元皆能言之則亦非無川矣舊志於其分支別派繁不之詳大率山不盡名太首最高爲境內諸山之祖卽白石也延袤二十里而顯奇於靈山又層巒疊嶂五十里而聳秀於笄山爲州之案西北旋繞如帶環城十里許地平如掌而郭西衡山實爲之鎮溪凡四十有八無量爲大可乘筏達建平水滿時亦可通舟山田高仰灌

廣德州志

卷首

舊例言

四

溉足資宋洪慶善六百塘猶有存者而壩以蓄水亦所必需萬歷志陂塘圩田列山川後極是河渠溝洫二而一者也楊門志附田賦後舛矣今備錄陂塘新添壩堰焉至萬歷志古蹟入叢譚雜列祠廟倉署基址亦嫌太陋今移歸建置而登其雅馴者曰名蹟經營締造有始事焉有踵事焉有終事焉自城郭以及壇廟皆守土之責也廨宇學校頭緒尤繁舊志紛糅莫辨今考諸志乘參諸碑板證諸案牘總繫於前分列於後其地其人其年誤者正之闕者補之凡屬

工役土木並然再以紀述之文隨條摘附庶覽者於
創因興廢了然心目寺觀類出募貲不無耗損而地
多據勝遊憩者歸焉易墓雖非古制而三板之封十
字之碑誰爲爲之乎舊志娘子茅王徒資談助茲博
訪周咨名賢墳壙略見於茲矣

江南財賦之區獨廣德以山嶼田少賦輕前代屢經
兵燹土著亦鮮伏遇

盛朝休養撫綏百數十年來民殷物阜共樂昇平加以滋
生之丁永無加賦蠲租賑貸吏不絕書而土風愿樸

廣德州志

卷首

舊例言

五

踴躍急公志家於田賦一書益徵

郵治之隆矣徵輸條款在明以前者悉仍其舊間援他書
以補其闕

國朝則格遵賦役全書兼著每年墾增諸額及鹽茶源委
催科者可按籍而稽也惟納米水陽道里較遠明萬
厯間曾改折色以便民不久卽廢論者惜之然利不
十不變法且小民屢歛

皇仁無不輸將恐後正未敢輕議更張也鐫卽一目舊志
失載茲特詳敘以彰

曠典至物產以昭地力楊志刪去其半亦非也

州志而敘典禮似涉於夸然而學道弦歌用之武城
豈建麾守郡反無所以行禮而視化乎廣德在宋明
之世濟濟英賢文物稱盛近雖稍替而遺風猶在鄒
文莊判州日酌四禮刻之名曰諭俗禮要自序謂率
生童習禮於學雖毀齒之童周旋進退彬彬可觀則
州之講於禮舊矣舊志不列此目非也今特上紀

朝章下述民風俾沐浴

聖化者咸知所觀感焉

廣德州志

卷首

舊例言

六

職官一門舊志相沿最謬者於唐書武德年綬安令
而不及至德後廣德令於宋但書建平縣知縣而無
廣德縣知縣又書置廣德軍知州軍一人軍謂兵州
謂民政宋史有明文奈何以一人兼之宦籍首張純
又驛入裴松之等此皆不容不辨者既略見於篇中
矣萬厯志於宋元參判丞尉雜入守令明始分別已
爲未合楊門諸志乃劃分歷朝郡守歷朝佐貳遂致
同時僚衆恍如隔世而吳呂蒙張純等皆縣令也概
以郡守宋范志道蔣夔亦縣令也又概以佐貳其他

疎漏無論矣今爲斷代敘列先列一朝應有之員於首而後依尊卑爲序漢迄南唐爲數無多入宋始詳以守令爲主分領僚屬敎職所補凡入九十人共並任去官年月宋題名記已逸故萬厯志率無任年間有之楊門又輒刪去是以諸所建置按之碑記動相抵牾茲逐一考核有確據者卽明注任年并云見某記補者注云從某書補又於敘次中每段大書據某某志惟字號籍貫旁採他書者不復注以避瑣碎至干城之寄楊門志入兵防李志入武備今接敘文員

廣德州志

卷首

舊例言

七

之後始於元詳於

昭代統名曰武職焉宦績分爲二卷一爲守土之官費鳳等若干人一爲巡方之官岳武穆眞西山王修撰等舊誤入寓賢者也封爵仍舊志而詳加訂補其妄竄入者刪之

州有進士始於宋萬厯志所載建平趙氏多至十八人名連汝字者十有一州無趙氏登進士者而薦辟所列亦十有六宋元舉人未有定名初不注擬而州縣各有三人入仕此皆可疑者故南畿志略去之進

士鄉舉皆始明洪武已詳論之錄中矣其敘次之法薦辟以朝進士以榜舉人副榜以甲子歲恩拔貢以年例監掾選以筮仕前後武科亦以甲子武弁以功封廕實介以家世齒德如農夫之有畔不能越也惟貢監一途最爲糾紛收載稍寬各有說詳見逐條之下

廣德人物見於元混一方輿勝覽者止張介查深二人此非專紀一郡之書漏略固宜萬厯志出自李中丞之手而鄉賢止十人附傳十人宋王儔李唐俊王

廣德州志

卷首

舊例言

八

汝翼諸公炳見史文皆不立傳而李嘉言錢用王輩無論矣至附傳之夏良心純用行狀尤乖體製此外孝子義民等寥寥數人中忽敘入恩封掾選不倫實甚楊志改歸選舉是也又於鄉賢分名賢文學宦績懿行隱逸五目列女寓賢自爲卷門志改懿行爲孝義李志統以宦績儒碩而以武功文學分附之改列女爲節烈寓賢爲流寓名目稍殊文無增損今詳據正史參酌各志首列名臣特立忠烈一目以紀王李諸公而循吏繼焉查張分冠儒碩隱逸而文武孝義

各使分道揚鑣寓而非賢不足紀苟賢矣不應在列女後方伎雖小道仙釋雖旁門亦人物也不應入之叢譚自唐以來得若干人其增入續載者或援譜傳或出公評尤必訪求確實方敢登載仍詳來歷於其下而舊志之繁冗者汰之鄙陋者文之罄心斟酌猶未知當否也

列女入史自范蔚宗以來書法皆冠以某女某妻某母從人之義也南畿志江南通志亦然萬歷諸志獨以某妻某氏下不惟夫失其綱亦非我儀我特之

廣德州志

卷首

舊例言

九

心矣今悉改從史例其位置萬歷志在孝子後楊門李三志雖另卷而仍在隱逸寓賢前於遠嫌之道未得今與人物各自爲門依通志分完節義烈貞孝三目

聖朝褒錫之典最爲優隆而曩代亦間有焉故其中又分奉旌奉獎請旌三行自州及縣俱以年爲斷惟旌獎尙有待者以已故現存爲序但公舉縣申年月紛錯爲數繁多難以戶曉先州後縣各序之並非自紊其例至據各氏譜增者概無年限明以前統附於後順

治以後略爲序次而已更立賢媛一目附入閨秀亦志家通例也

藝文始於漢志有錄無文郡邑乘因之連篇累牘究於本書何裨茲所哀集固非闕靡并不徒在手筆之工也蓋其文必當詳載於是州之志而各門無可附見亦斷不敢僅僅附見者如真西山之表狀錢洪二公之論示以及折漕禁煤諸碑是也又有同一紀事而其言關繫治體學術及風俗人心之大者如曾南豐以下解宇城池學廟諸記鄒文莊諸序及淫祠溺

廣德州志

卷首

舊例言

十

女之禁是也爲目有六曰表疏曰諭禁曰碑記曰雜著曰詩曰書目擇其尤雅去取某嚴雜著者不拘一體銘跋序文詞無泛設詩備觀風遊日騁懷之作概下濫登前賢著作乃一郡之菁華舊志僅列其目掛漏既多次亦凌亂今詳加釐定兼條始末庶不失班氏遺法

祥異者五行之事史家繫之天文而志非其倫也萬歷志以瑞應災異入叢譚楊李不言瑞應門志移附星野皆非也其所記祇據州人傳聞而不知正史所